

二儀同卷

化五

二儀同卷

洞玄度靈寶自然券儀

洞玄靈寶自然齋儀

洞玄度靈寶自然券儀

告齋竟

法師東向三上香叩齒三通

呪香

無上三天玄元始三炁太上老君召出臣身

中三五功曹左右官使者左右捧香驛龍騎
吏侍香玉童傳言玉女五帝直符各三十六
人出關啓此間土地里域真官正神臣今正
爾燒香度事願得太上十方正真之炁入臣
身中所啓速達徑御

化五

太上無極大道至真玉帝前

次長跪又叩齒二十四通出官

謹出臣身中五體真官功曹使出臣身中上
三天執法開化陰陽功曹度道消災散禍解
厄君吏各十二人出臣身中治職君吏某治

建節監功大將軍前部效功後部效殺驛庭
令驛庭丞四部監功謁者臣身中仙靈直使
正一功曹治病功曹左右官使者陰陽神決
吏科車赤符吏剛風騎置驛馬上章吏飛龍
騎吏等各二人出出者嚴莊顯服冠帶垂纓
整其威儀直使功曹戴通天之冠衣阜紬單
衣正一功曹冠朱陽之幘着絳章單衣使者
冠九德之冠五色綬命單衣腰帶虎符齊執
玉版直使功曹住立四方正一功曹住立中
央治病功曹營衛臣身中左官使者持幢在

前右官使者建節在後陽神決吏立左陰神
決吏立右上部功曹住立上方中部功曹住
臣身中促氣功曹催促十方上部使者遠望
上天中部使者遠瞻八方都官使者帀繞臣
身中郎吏虎賁察姦鉤騎都官僕射天丁力
化五
士收氣食氣吏收神食神吏收鬼食鬼吏收
邪食邪吏收精食精吏收毒食毒吏誅符破
廟吏科車赤符吏剛風騎置驛馬上章吏飛
龍騎吏屯住臣前後左右功曹使者嚴裝事
竟羅列鹵簿關啓靈寶官屬領仙監齋君將

吏天師所布下二十四治三十六靜廬七十
二福地三百六十名山崑崙等上官三萬六
千神日月星宿璇璣玉衡天地五帝三界官
屬將吏及道上二玄三元四始四面方位風
氣注氣甲子諸官將吏考召君東九夷胡老
神君南八蠻越老神君西六戎氐老神君北
五狄羌老神君中央三秦僖老神君五嶽四
瀆丘沼君諸廟神在所高山山川溪谷山林
孟長十二溪女根原本始土地之主社稷將
吏一時嚴裝與臣身中功曹使者飛龍騎吏

上啓太上無極大道太上大道君太上老君
太上丈人無上玄老十方無極大道道德衆
聖天尊至真大帝天帝天師君靈寶監齋大
法師諸官君臣生長魔俗沉淪季業翫樂榮
華千載慶會謬見標拔得預大化三師盟授

化五

三

三寶尊經供養尊禮以求所願荷恩隆重喜
懼交衿臣受法之日要當宣通法音讚揚大
化傳授後學開度天人今有某府某縣鄉里
太一道士男女官真人某甲稟性慈仁忠貞
孝順雖處濁俗抗志高邁潔已清行仰慕神

仙已受至法太一符契今齋信投誠求受
太上洞玄靈寶玉文真經寶符丹誠懺至不
可違逆臣輒依法與某甲對齋日限事竟今
破券度經謹拜黃繒赤章一通功曹使者飛
龍驛騎以時騰奏上詣太上曹章露在玉案
上分別請省

次讀章畢叩齒三通曰

臣重因衆真上官功曹使者飛龍騎吏分別
關奏操臣所授某甲無上至真五篇大經破
券赤素章一通上聞清玄御前無令下官故

氣邀截公文令不上達臣閉口氣升章到三天曹伏須告報

拜章竟因長跪曰

具法職某岳先生臣某上啓

太上無形無名虛無自然至真大道無上元

尊太上大道君十方無極大道道德衆聖天

尊玄中大法師太極真人玄一三真人天師

君臣以下愚行尸臭肉宿命緣會謬荷非分

進受大法三寶尊經未能棲隱幽林超絕塵

跡又不能敷宣皇教廣建福田濟度苦厄立

功補過而混同常人魔俗不別大道之恩賜
全首領得有今日視息三光恩深施重實在
罔極臣某誠惶誠恐頓首頓首死罪死罪蓋
聞真經尊貴非凡陋之徒所可施行妙義淵
賸非賤臣小子淺識肉眼所可仰瞻臣僥倖

化五

四

之運遭遇際會三洞御世換選種人得以穢
質叨忝靈文臣受經始淺未宜宣露今壬辰
之運太平已近禍福交行自非得道之夫年
劫難保雖人心難測賢者勤求不宜閉絕謹
有某府縣鄉里某道士某甲耽玄注真祛棄

榮華畢志上契願樂神仙飛騰之道丹情苦
至翹慕勇猛請受尊文今建置玄科分券授
經告誓三官約不妄宣謹以上聞須報施行
啓事畢便分券契未授師還北向弟
子左轉向南長跪擎丹水當心師北

向呪曰

具法職某岳先生臣某敢告丹水某府縣鄉
里甲乙年如干歲奉承黃赤王一太一一言
之訣所叨已大今操辭立誓投命詣臣求受
太上靈寶至真五篇太真道經向已為拜黃

表章素列啓太上衆尊願監盟君吏靈寶君
靈寶丈人天官地官水官三官君吏及某家
七世祖考監見某甲自來求生齋戒投心所
受靈寶妙經旨訣約承案大法奉遵俯仰檢
口慎行棄諸色累斷絕外想靜心夷默專志

化五

五

在法不得混濁更相招引以亂真氣常行大
慈廣度一切國安民豐四海寧一七祖父母
皆得升度身入光明早生人中劫運終同
飛上清其未仙度五八爲期不得中泄妄傳
非其人愆盟負信輕漏靈文生死父母長沒

幽夜風刀萬劫不得有怨違諸禁戒一如明
真之文

弟子某甲承真告命法師口訣不敢違負妄
傳非其人殃延甲身要不負上下中央四面
八方正真神明今共吞盟丹水案法齋戒修
行妙旨乞弟子及師得度天災陽九百六甲
申大厄從劫到劫無有虧盈日月同暉三寶
齊輪伏受靈寶君靈寶丈人三洞天文見生
之法呪畢三唵丹水授券授券竟師起燒香
散花巡誦五真人頌一首畢弟子輒禮再拜

都畢弟子長跪執法信師叩齒三十六下心
存五藏之色令備具合成寶蓋之雲羅覆經
師徒而呪曰

天書簡不煩道德自備足修之必神仙當復
何所欲文耀太無間煥然而朗郁傳授悉依
法泄慢墮地獄畢弟子三拜受經又方禮一
拜周十方從北始東迴而周也想見太上十
方真形如方像矣師誦三塗五苦歌頌畢師
誦智慧三首說法授十戒度事竟言功復官
洞玄度靈寶自然券儀

洞玄靈寶自然齋儀

各禮師存念如法

次鳴法鼓二十四通

次發爐

無上三天玄元始三氣太上老君召出臣等

化五

六

身中三五功曹左右官使者左右捧香驛龍

騎吏侍香金童傳言玉女五帝直符直日香

官各三十六人出關啓此間土地里域真官

正神臣今正爾燒香行道奉爲弟子某陳乞

所願願得

十方正真生氣降流臣等身中令臣所啓速
達徑御

太上無極大道至真玉皇上帝御前

各稱名位

具法職某嶽先生臣某等同誠上啓

虛無自然元始天尊無極大道太上道君太
上老君高上玉皇十方已得道大聖衆至真
諸君丈人三十二天帝玉虛上帝玉帝太帝
東華南極西靈北真玄都玉京金闕七寶玄
臺紫微上宮靈寶至真明皇道君玄中大法

師三界官屬一切尊靈臣等宿命因緣生逢
大化玄真啓拔得入法門三師盟受三寶神
經供養尊禮以求所願荷恩隆重喜懼交并
然受法之日約當罄竭愚短自效毛髮宣通
法音讚揚妙化普令一切咸入法門救生度
死令衆安樂凡有投告理合申騰今有詞文
謹當宣奏

次讀詞

具如詞言情唯丹慊仰憑至道由慮將來臣
等忝荷洪慈職唯拯救伏聞虛皇布法為萬

品之津梁大帝垂文作千真之軌躅門開接
引教許依投有感即通無求不應精誠內著
芝英爲之表祥靈澤下流星辰爲之列耀運
茲初捻上香歸身歸神歸命

十方無極大道太上三尊願以是功德歸流
大道弟子某家九玄七祖前亡後化一切宗
親並願俱出九幽齊登十極落北陰之玄籍
上南極之丹文福慶遐臻禎祥遠集仇讎罷
對慶及子孫今故燒香自歸依師尊大聖衆
至真之德得道之後昇入無形和與道合同

夫玉京非遠斂念即通真宰無方隨心必應
運茲二捻上香歸身歸神歸命

十方無極大道太上三尊願以是功德歸流
皇帝執象化人秉圖御運人懷凱悌物遂生
成次及臣等受道三師經生父母巖棲志士

同學之人九姻門族天下人民蛸飛蠢動一
切衆生各遂安寧悉離災橫今故燒香自歸
依師尊大聖衆至真之德得道之後昇入無
形和與道合同

夫大道無私隨機必應至精有信待感而通

運茲三捻上香歸身歸神歸命

十方無極大道太上三尊願以是功德歸流
齋主大道弟子某并門族親姻伏願厄患消
寧身心朗徹洞金房之奧旨超艷部之幽徒
福善自彰神明匡衛生齡更遠比枯木而甯
化五
榮盡命方延類寒燈而重焰男女貞順畜產
繁昌今故燒香自歸依師尊大聖衆至真之
德得道之後昇入無形和與道合同

次禮十方懺

次四聖方懺

臣法衆等至心歸命

十方無極太上靈寶天尊十鄉神仙諸靈官
但弟子某生自囂塵長多罪累淪神喪氣有
僞無真恩愛所拘聲名所誘唯深愆犯莫保
安危又慮積生已來至于今日陰罪陽過犯
觸十方或不順陰陽罔知避忌殺生害命恣
意極情或知而故為或謬誤不覺或身心自
構或被逼從人罪咎貫盈神明譴責宿夜憂
懼不敢寧居仰憑高尊希蒙覆育臣等洗心
首過靜念祈恩為修靈寶妙齋拔贖幽明之

咎當願見存人口良賤尊卑厄難雲消算壽
天永見存姻屬內外宗親神爽清夷盡沾玄
慶子孫昌熾長會善緣福起十方禍沉九夜
稽首歸依正真三寶

次左迴向西平立思九色圓像命魔

化五

九

密呪

次步虛旋繞

次三啓

次三禮

次重稱名位

具法職某嶽先生臣某等同誠重上啓

太上無極大道至真靈寶三十六部尊經太
上三尊十方衆聖玄中大法師三界官屬一
切神靈臣等餘福所流運遇大法玄真啓拔
忝佩靈文而胎染結陋未能抗絕負越科禁
丹誠莫申自宜灰心甘寘冥罰但以于真有
格許立微功輒勵管窺奉宣慈化期以拔贖
用濟群生今謹有大道弟子某辭情丹慊實
可哀矜生在塵途情唯昏蔽因緣所習超度
無門唯保倚上玄特希洪澤臣等謹相携率

沐浴身心焚香轉經以期悔謝伏惟

太上衆尊監齋大法師侍真群靈三界官屬
垂神鑒映照覽所陳特開大宥之恩俯遂塵
微之懇伏乞赦弟子九玄七祖下及已身積
世已來至于今日恣情極欲廣構罪田或不

了義方不明妙趣喪神耗氣恥朴好華口實
心違外真內僞陰罪陽過無量無邊或謬誤
不知或知而故犯違盟破戒怠墮幽冥諸如
此條不可憶識乞今燒香行道賜蒙蕩滌伏

願

太上高聖大神至真群靈垂大慈之澤致感
應之靈迴救度之福降罔極之恩召飛天神
人齋東華青宮九龍符命歷下十方檢校曹
局凡有弟子某冢存亡罪咎咸願消除受鍊
南宮削名北府福流玄葉吉享見存使老少
化五
咸和子孫賢貴殃災雲散善瑞日生僕隸安
康泰養滋茂臣等謹爲齋主所首所謝咸乞
如言所啓所陳事蒙原解上明
天尊弘慈之澤下副臣等歸命之誠謹啓以

聞

次十二願

次復爐

香官使者左右龍虎君侍香諸靈官當令齋
堂之內自然生金液丹碧芝英百靈衆真交
會在此香火爐前令弟子修齋已後舉家受
福內外蒙恩十方仙童玉女侍衛香煙傳臣
向來關啓徑御
太上無極大道玉皇上帝御前

次出堂

洞玄靈寶自然齋儀

